

SH 2718109 PS-711

Anggota Suksis pertahar kemahiran menembak

LEMBAH BIDONG – Seramai 160 sukarelawan polis siswa dan siswi (Suksis) Universiti Malaysia Terengganu (UMT) menyertai latihan menembak di Pusat Latihan Menembak Polis Diraja Malaysia, di sini, semalam.

Penyelarasnya, Asistan Superintendan Iskandar Mohamad berkata, tanggungjawab mempertahankan negara bukanlah perkara mudah, apatah lagi cabaran yang dihadapi dalam dunia tanpa sempadan pada masa ini.

Menurutnya, bagi melengkapi diri menghadapi perubahan itu, anggota Suksis perlu bersedia bukan sahaja dari segi keupayaan fizikal tetapi juga minda dan pengetahuan.

"Ia bukanlah proses yang mudah, bagaimanapun, walau apa juga perubahan dihadapi dari segi persenjataan mahupun peralatan, keperluan dalaman tidak boleh berubah iaitu semangat dan nilai murni



● Anggota Suksis memeriksa tembakan masing-masing selepas selesai sesi latihan yang diadakan di Pusat Latihan Menembak Polis Diraja Malaysia, semalam.

sebagai anggota keselamatan sukarelawan.

"Walaupun hanya menjadi sukarelawan, tanggungjawab dan rasa bangga dengan pakaian seragam yang dipakai perlu dikekalkan termasuklah berusaha meningkatkan kemahiran dalam aktiviti menembak," katanya ketika ditemui

Sinar Harian, di sini.

Menurut Iskandar, kemahiran menembak yang dimiliki adalah budaya yang harus dipertahankan semua peringkat anggota Suksis bagi menilai kemampuan menembak dengan tepat, selain menguji kemahiran diri.

"Latihan ini memainkan

peranan penting dan adalah sebahagian daripada kemahiran yang perlu dimiliki anggota Suksis.

"Justeru, mereka perlu memperkasa dan meningkatkan lagi aspek latihan untuk membina mentaliti secara berterusan mengikut peredaran semasa," katanya.